



https://www.go-to-the-future.eu/Modules/fiches/images/logo-pdf.jpg

Image not found

https://www.go-to-the-future.eu/Modules/fiches/images/logo-pdf.jpg

Halle de Bassoues (La hala de Bassoas)

Torisme e istòria en Gasconha

12 - Geografia - Produzir en Gasconha

torisme

Començam per definir lo torisme : lo mòt veng de l'anglés ; a la renaishença se referiva au torn d'Euròpa que hasèvan los senhors angleses entà complir la sua cultura. Auèi, lo torisme designa lo hèit de viatjar e de visitar un lòc entau plaser atau coma las activitats prepausadas pendent un sejoir toristic.

Gèrs e Gasconha

Los visitors deven prumèr comprénguer la diferéncia entre Gèrs e Gasconha. La Gasconha ei ua anciana província qui s'expandiva de la boca de Gironda dinc Arièja. Lo Gèrs ei un departament francés dont **Aush** ei la prefectura.

Se pòt aisidament viatjar a través los sègles en tot visitar la Gasconha.

preistoria

La nòsta prumèra mèrca serà preistorica dambe las mans « negativas » **das espugas de Gargàs**, entre Lanamesa e Sent-Gaudenç. Las pintruras parietalas qu'i trobatz datan entre 29000 e 22000 ans avant la nòsta epòca.

Antiquitat

Hasèm ara un saut dins lo temps entà arribar a l'Antiquitat. En 297, Dioclecian divisa la Gàllia en 17 províncias. **La Novempopulania** compreg dotze ciutats dont la capitala **Elusa** (la vila actuala d'Èusa). Podetz auèi visitar l'ensemble arqueologic d'Elusa, dambe los sons vestigis e lo son musèu d'arqueologia.

Edat-Mejana

Passam a l'Edat-Mejana e au reiaume d'Aquitània. Lo site medievau de **Peyrussa lo Ròc** ei ua anciana ciutat situada en Avairon. Conquesida en 767 per Pepin le Bref, estoc restacada au reiaume d'Aquitània en 781 per Carlesmanhe. Aquò li valoc mes tard d'estar pendent quauques temps anglesa quan Alienòr divorcièc deu Rei de França entà esposar lo Rei d'Anglatèrra. De la ciutat medievals demòran fòrça vestigis deus sègles XIIIau e XIVau, e las tors deu castèth inferior d'epòca carolingiana.

Bassoas

Un vilatge nos balha l'ocasion de córrer mes d'ua epòca : Bassoas. La bastida e la sua torrassa de las bèras datan deu sègle XIIIau, la glèisa deu sègle XVau e la hala, tota en husta, deu sègle XVIau. La basilica Sent-Fris,

bastida au sègle XVIau, e restaurada en 1888, se pòt visitar.

Buscà-Maniban

Lo castèth deu Buscà-Maniban ei un exemple regde polit de l'arquitectura deu sègle XVIIau en Gasconha. Se tròba a dotze quilomètres de Condòm e en tèrra d'Armanhac. Lo punt hòrt de la sua arquitectura ei la sala dita « a l'italiana », qui ocupa dus solèrs devath ua vòuta en « arc de claustre ». Ei un modèl reduit de la Sala deus Illustres deu Capitòli de Tolosa e pòrta, dins los cartochas devath cornishas, evocacions deus òmes illustres de la region.

sègle XVIIIau

Vaquí qu'èm au sègle XVIIIau e la visita d'Aush s'impausa. I a plan segur vestigis mes ancians (la vila baisha s'ei desvolopada sus un site aquitano-roman) mès la vila hauta ei rica en edificis d'aquela epòca : l'ancian palais avescau, ont se tròba ara la prefectura, l'ancian convent deus Jacobins, actuaument musèu, e l'Ostau de la Comuna dab lo son teatre a l'italiana e la sua Sala deus Illustres.

<http://www.tourisme-gers.com/decouvrir-gers-gascogne.aspx>

<http://tourisme-gascognetoulousaine.fr>

<http://www.auch-tourisme.com>

Frisa cronologica

Frise

Image not found

https://www.go-to-the-future.eu/Fichiers/frises/11133812.tourisme_oc.png

Lexic

Pintruras paretalas

pintruras hèitas sus ua paret, coma dins las espugas

Vestigis

rèstas o mèrcas de causas deu passat

Bastida

petita vila fortificada au plan regular, construsada a l'edat mejana, enter 1222 e 1373, majoritariament en Gasconha e Lengadòc, per decision senhoral entà atirar ua poblacion novèla. Las bastidas son au còp la constitucion d'un poder politic e economic locau e au còp l'institucion d'un plan locau d'urbanisme.

Questions

1. Coma s'aperava Èusa dins l'antiquitat ?
2. Ont se pòt trobar tors de l'epòca carolingiana ?
3. Quin castèth a ua sala que sembla a ua de las salas deu Capitòli de Tolosa ?

4. Quin ei lo mes gran : lo Gèrs o la Gasconha ?
5. De quina epòca data la bastissi ont se tròba la prefectura deu Gèrs ?

Activitats

Torna botar aqueres edificis dins l'òrdi cronologic :

bastida de Bassoas, villà de Seviac, espugas de Gargàs, torrassa de Bassoas, palais avescau d'Aush, castèth deu Buscà-Maniban.

